



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

1. Quibus sit praeceptum vt nubant.

urn:nbn:de:hbz:466:1-29452

2. *Quomodo quis mœchatur corde, ore & factu.*

3. *Quo Deus punit adulterium hic & in futuro.*

Christus atq; scriptura præcipit omnibus nubere, & vitare fornicationem & immunditiam, exceptis tribus hominum generibus: quorū primum est, qui ex ex utero matris sunt nati inhabiles ad matrimonium. Deindè qui ab hominibus sunt castrati, aut aliàs per accidentales infirmitates sunt facti defectuosi: postremò sunt, quibus Deus ex speciali gratia concessit donum continentiae, qui se castrant propter regnum Dei, & qui votum solenne emisertunt cælibatus, vt ei fidelius inseruiant atq; imitentur: & qui hoc Dei donū habent, Deo gratias agant: Sic enim dicit scriptura Sapient. 8. Non possum esse continens, nisi Deus dederit. Et Christus dicit, Matt. 19. Non omnibus hoc datū est, qui potest capere, capiat. Alijs verò omnibus hominibus, seclusis his tribus generibus, præceptum est nubere, vt Gen. 1. Crescite & multiplicamini &c. Et 1. Corint. 7. propter stupra vitanda suam quisque vxorem habeat, & quæq; suum virum. Et iterum, Melius est nubere quàm vri. Prohibetur autem hoc præcepto. omnis immunditia & luxuria, sub quacunque etiam specie comprehendi potest. Est quoque magna differentia inter vitam coniugatorum, & vitam fornicatorum ac nebulonū. Nam vita coniugata non est peccatum, quia DEVS hanc instituit & ordinauit, sed vita adulterina & fornicaria peccatum est: hoc enim prohibuit Deus 1. Corinth. 7. Si quis nubit, scilicet legitimè, nō peccat: ergo illegitima cohabitatio Deo displicet, eò quòd fornicatores regnum Dei non possidebunt, 1. Corint. 6. Ephes. 5. Galat. 6. Deus quoq; legitimè natis maiora confert gratiarum dona, quàm spurij, vt commu-

niter

niter contingit: habent quoque benedictionem Deo quod secundum ordinationem & voluntatem Dei in legitimo statu sint nati: ergo cauenda est omnis fornicatio. Et Deus per Moylen præcepit Deut. 22. Non sit meretrix inter filias Israel, neque sit scortator inter filios Israel: hoc est Dei præceptum, contra quod facere non licet. Et quanuis permittantur in panaria ob vitandum maius periculum, tamen non ut iustum defendi potest.

2.
Triplicis
adulterij
primum.

Secundò, est triplex adulterium siue luxuria, quæ prohibetur: prima est cordis & in cogitatione, quæ Christus prohibet Matth. 5. Si quis viderit mulierem alterius ad concupiscendam eam, id est, ea intentione, ut delectetur in cogitatione illa, is iam mœchatus est in corde suo. Ideò licet mundus hanc mœchitiam non videat, nec puniat, tamen eum Deus in cælo respicit, cui omnia nuda & aperta sunt, Hebræor. 4. Deus punit hic & in futuro.

II.

Deindè mœchia oris prohibetur, quæ fit cum quædam inhonestis verbis alienam vxorem alloquitur, insultat, & verba luxuriosa & cantilenas facit, aut etiam inordinatis moribus, gestibus, ornatu meretricio, cuius placeat & prouocet ad luxuriam, sic monet apostolus Ephe. 5. fornicatio autem & omnis immunditia aut auaritia nec nominetur in vobis, sicut decet sanctos, aut turpitudine, aut stultiloquium, aut scurrilitas, quæ ad rem non pertinent &c. Matth. 12.

III.

Postremò, ut nec opere perpetremus adulterium, sed omnes continentes simus vsque ad coniugium, sic commendatur prophetissa Anna Lucæ 2. quod virginitate sua vixerit cum viro suo annis septem & Tobia filius docetur à patre, Tobia 4. Deindè, quis in matrimonio ad aliam accedat, sed seruet eandem, quoad vixerit, & honestatè: nam lex matrimonij non soluitur nisi post mortem alterius, Romanor.